



Årsmelding 2023

4H Rogaland



Innhold

Helsing frå fylkesstyret	3
Om 4H	4
Arbeid i perioden	5
Heder og ære	7
Aktivitet og arrangement 2023	8
Informasjonsarbeid	12
Medlemmar, klubbar og 4H-garder	13
Samarbeidspartnarar	14
Representasjon	15

Årsmelding for 4H Rogaland 2023

4H Rogaland er eit fylkeslag i 4H Norge. Fylkeslaget består av alle 4H-klubbane, nemndene og 4H-gardene i fylket.

Design: 4H Rogaland
Trykk: 4H Rogaland

Forsidefoto: Gruppebilete frå 4H Rogaland sitt 70-årsjubileum. Foto: Synnøve Jørgensen

Adresse:
4H Rogaland

Sandvikveien 21
4016 STAVANGER

Kontaktinformasjon:
E-post: rogaland@4h.no

www.4h.no/rogaland
www.facebook.com/4hrogaland

Helsing frå fylkesstyret


Endå eit 4H-år er over, og eg håper de sit att med mange gode minner. I 2023 arrangerte me styrevervkurs fysisk, for fyrste gong sidan 2020. Det var etterlengta! Storkurset var ein stor suksess, takka vera den gode arrangementskomiteen frå Indre-Sør nemda. Fylkesleir på Tveit Landbruksskule var det den dyktige gjengen frå Vindafjord og Tysvær som sto for. For ei fin helg det var.

Tusen takk for den innsatsen de legg ned i arrangementa! 4H Rogaland var også representerte på Nordisk leir i Lom, det var ei kjekk veke der leirminne vart laga og nye vennskap kom til. Eg håper enda fleire vil vera med på landsleir på Voss, no i 2024.

Eit av mine høgdepunkt frå 4H-året 2023 er då me arrangerte regionsamlingar i august og september. Det å koma ut å treffa dei som sit i styret i klubb er inspirerande og motiverande. Å treffa klubbrådgjevarar, leiarar, kasserar, sekretærar og styremedlem, og sjå dei dela erfaringar og idear er noko av det som inspirerte meg mest i året som var.

Eg håper de har lært mykje nytt i løpet av 2023 og at de sit igjen med meistringskjensle. Eg har i alle fall lært mykje på dette året som fylkesstyreleiar.

No har det også vorte lansert eit nytt 4H-løp som er aktivitetsbasert. Dette vil forhåpentlegvis gjera den gode organisasjonen vår endå meir tilgjengeleg og inkluderande, slik at endå fleire kan få glede av å læra ved å gjera.



Sist, men absolutt ikkje minst: Tusen takk til alle som har gjort ein innsats for 4H Rogaland i år!

Med venleg helsing

Sanne Skretting Skeie
Leiar i 4H Rogaland

Om 4H

4H Norge er ein landsomfattende, ideell barne- og ungdomsorganisasjon som er **livssynsnøytral** og **partipolitisk uavhengig**. 4H er unik som medlemsstyrt organisasjon kor **medlemmane sjølv** avgjer kva de vil utforska og tileigne seg kunnskap om.

4H har som formål å utvikla ein aktiv og samfunnsengasjert ungdom med ansvarsfølelse og respekt for natur og menneske og bruker mottoet «**Å læra ved å gjera**». 4H sine kjerneverdiar kjem tilbake i 4H løftet: «**me lover å arbeida mot det mål å verta ein ungdom med klart hovud, varmt hjarte, flinke hender og god helse**». 4H-programmet er delt i områda **Natur, Kultur, Samfunn og Helse**.

Oversikt under viser korleis 4H Norge er bygd opp. 4H Rogaland er eit av fylkesledda i 4H Norge og består av alle 4H klubbane, 4H nemndene og 4H gardane i fylket.



Landsmøte

Landsstyret

Sentralstyret

Fylkeslag

Sekretariatet

N4HA, 4H-gård
Norge, NIFYEA

Klubbene

Fylkesårsmøtet er øvste styringsorgan, og vert arrangert innan utgangen av mars kvart år. På årsmøtet vert det valt eit **fylkesstyre**. Styret skal fram til neste årsmøte ta avgjersler og behandla saker på vegne av alle 4H-medlemmar i fylket. Styret har ansvaret for å følgja det årsmøtet har vedtatt; budsjett, årsplan og handlingsplan med meir.

Arbeid i perioden

I dette kapittelet skal me rapportera handlingsplanen for 2023 og 2024, vedtatt på årsmøte i 2023. Handlingsplanen følger kalenderåret og er bygget på:

Strategien til 4H Norge seier at me i perioden skal verta «større – smartare og synlegare»

4H Rogaland sitt årsmøte 2023 seier at fylkeslaget i perioden skal ha spesielt fokus på opplæring og utvikling av ressurspersonar, samt synleggjering og inkludering.

Vervemål: Innan utgangen av 2024 skal me ha 1410 medlemmar

Rapporteringa er ut frå at me er midtvegs i perioden for handlingsplanen.

MÅL	TILTAK
Større	
Markera 70-årsjubileum	70-årsjubileum blei markert med festmiddag for plakettmottakarar og dei eldste i klubbane. Ein kan lesa meir om dette under 70-årsjubileum seinare i dokumentet.
Styrka alumnklubben	Eit mål var å arrangerha plakettfest for å rekruttera nye alumnar til klubben. 70-årsjubileumsfeiringa fungerte som ein plakettfest. Alumnklubben har òg vore med å ha kiosk på arrangement i fylket.
Væra ein inkluderande organisasjon	Fleire klubbar har hatt opne arrangement eller vore med på større arrangement for å visa kven dei er. Her har fleire hatt med brosjyrar på forskjellege språk.
Rekruttera og behalda 14åringen	Det er enda ikkje laga ein støtteordning kor nemnder kan søka om pengar til arrangement for dei eldste. Ein har gjennomført regionsamlingar der fylkesstyret og tilsette får snakka med medlemmar i klubbstyra om moglegheiter dei har vidare i 4H.
Smartere	
Aktive ressurspersonar	I år har ein hatt større fokus på å rekruttera medlemmar som vil reisa på instruktørkurs. I år reiste 3 stykk på instruktørsamlinga. Det har òg vore eit mål å utvikla kursmenyen på Stryevervskurs, det har vore forsøkt, men det er for få påmeldte på dei andre kursa enn kasserar, sekretær, styremedlem og leiar. Fylkesstyret har òg involvert medlemmane i planlegginga av 70årsjubileum, der ein hadde ei idemyldring på fylkesleiren. Dette var for å visa medlemmane at ein kan bidra utan å ha verv.

Lette arbeidet for klubbstyret og klubbrådgjevarar	Målet her var å utvikla malar for styrearbeid og arrangement innan utgangen av 2023. Dette målet blei ikkje oppnådd i løpet av året.
Samarbeida med andre organisasjonar	Rogaland Bygdeungdomslag har vore representert på fleire av fylkesstyre sine møte og ein har ein god dialog. Kontoret har kartlagt organisasjonar ein kan samarbeida med. Jobbar med å ta kontakt med disse for å få til samarbeid.
Synligere	
Å være på tv/radio/avis i forbindelse med kvart arrangement	Det har gjennom året blitt sendt ut pressemeldingar og invitasjonar til reporterar før og etter arrangement. Etter årsmøtet blei det nye fylkesstyret presentert i fleire avisar. Uttale frå årsmøtet om leige av hallar til overnatting blei òg trykka i fleire aviser. Det var òg reportasje frå fylkesleiren.
Vera synleg for alle	Det har vore eit mål å laga ein synleggjeringsspakke som er mogleg å låna av klubbane. I prosjektet Lærerike opplevingar blei det laga ein koffert med leikar og utstyr ein kan ha med på arrangement og stand. I tillegg har kontoret pakka synleggjermateriell for fleire klubbar. Fleire klubbar har stått på stand, og det blei arrangert stand på opninga av Snurrevarden 4H-gard der ein nådde ut til 250 deltakrar.
Større deltaking på arrangement gjennom synleggjering	Eit mål har vore å laga synleggjeringsvideoar knyta til arrangementa i fylket. Her har det vore videoar i 4H Rogaland sine kanalar både før og under ulike arrangement.

Styret

I løpet av kalenderåret 2023 har styret hatt 8 styremøte og behandla totalt 78 saker. I tillegg har styret vore representert på eigne og andre sine arrangement/møter.

I arbeidsåret 2023 har disse hatt verv i 4H Rogaland:

VERV	NAVN	MEDLEM i klubb
Leder	Sanne Skeie	RAA
Nestleder	Per Ingvald Søyland Bø	Sjøglint 4H
Styremedlem	Veronica Langseth Bjerkås	Frøy 4H
Styremedlem	Randi Dybing Stølen	Skogstjerna 4H
Styremedlem	Sindre Sandsgård	Bjoa 4H
Representant fra Raa	Kim Nessa	RAA

1 vara	Glenn Gravdal	Sjøglimt 4H
2 vara	Benjamin Hegelstad	Bjerkerota 4H
3 vara	Karen Margrethe Mjåtveit	Vigre 4H
Ordfører i årsmøtet	Kristin Søyland	Svala 4H
Varaordfører	Laila Vølstad Hognestad	Firkløveren 4H

Administrasjon

4H Rogaland tilhører krets Vest og her er Synnøve Jørgensen regionkoordinator. Dei fire regionkoordinatorane er dagleg leiar med personalansvar.

4H-kontoret i Rogaland har i 2023 sett slik ut:

Organisasjonsrådgjevar 70% fast stilling	Anne-Berit Ånestad Brovold
Organisasjonsrådgjevar 50% fast stilling	May Lis Jakobsen
Organisasjonsrådgjevar 40% fast stilling	Hege Reime
Prosjektleder Lærerike opplevingar 40%	Leif Helge Molvik

Heder og ære

Årets klubb 2023

Vigre 4H har i både 2021 og 2022 klart å ha stor medlemsvekst. På desse to åra har dei dobla tal på medlemmar. I mange år har Vigre 4H samla inn landbruksplast fire gonger i året på eige initiativ. Dei har varierte medlemsmøte og er gode å nytta naturen, nokre av møtene dei har hatt er kanomøte, skitur, grilling og Under open himmel. I tillegg er Vigre 4H synlege i lokalmiljøet. Dei har vore med i Nærbøkomiteen som arrangerer Nærbødagene, her har klubben hatt eigen stand og vore synlege for heile bygda. I desember hadde dei og sal av juletre for å få inntekter til å vedlikehalde gapahukane dei tek i bruk på møtene sine. Vigre 4H er flinke å samarbeida med andre lokallag og organisasjonar. Dei har pynta peparkakehus saman med Nærbø Bygdeungdomslag og nyttet 4H-garden til klubbmøter. Klubben har hatt fokus på rekruttering gjennom å vera synlege, både på Facebook og Instagram og ikkje minst i lokalmiljøet. Dette har resultert i stor medlemsvekst og fleire stolte medlemmar.

4H Drømmedag

Fjellbygdå 4H vant drømmedagen i 2023 fordi dei hadde flest landbruksrelaterte prosjekt i klubben sin i 2022. Heile 46% av medlemmane hadde eit prosjekt knyta til landbruk.

Æresdiplom

Det er ikkje søkt om æresdiplom til nokon frå vårt fylke dette året.

Aktivitet og arrangement 2023

Klubbrådgiversamling

Helga 6. - 8. januar blei det endeleg arrangert klubbrådgjevarsamling igjen etter to år. På Sola Strand Hotell deltok 72 frivillege vaksne, 4 medlemmar av fylkesstyret og 2 tilsette. Temaet for denne helga var påfyll av 4H-glede - påfyll av inspirasjon, kunnskap og energi. Fokus på fredag var det sosiale, med bli kjent leikar, musikkleik og sosial prat. På laurdag hadde ein gruppdiskusjon knyta til klubbrådgjevarrolla, og Amy Mir (Ekspedisjonsjenta) og Miriam Ottesen frå 4H Norge snakka om inkludering. Etter lunsj valte ein mellom kurs i Inkludering, Trygg i 4H, Turmat frå Pakistan, Mesterens Mester og dragelaging. Under middag på kvelden var det underhaldning av Tom Weum. Sundag avslutta Cecilie Lone med eit motiverande føredrag.

Styrevervkurs

I år kunne me endeleg igjen gjennomføra eit fysisk styrevervkurs, som blei arrangert den 17. – 19. februar 2023. Utstein 4H var arrangør og kurset blei halde på Mosterøy skule. Det blei halde kurs i leiar/nestleiar, kasserar, sekretær, styremedlem og friluftshelt, kor instruktørar frå både 4H Rogaland og 4H Hordaland hald kursa. Styrevervkurset blei høgtideleg opna fredag av varaordførar i Stavanger. Dagny Sunnanå Hausken, som er frå Mosterøy. På laurdagskvelden var det festmiddag med underhaldning frå musikkkulen. Det var 109 deltakarar på styrevervkurset fordelt på 22 klubbar.

Storkurs

24. – 26. var det Storkurs i Bjerkreimhallen som blei arrangert av klubbane i Indre Sør 4H nemnd. Det var 197 deltakarar som kom til bygda den helga, og 33 leiarar og alumnar frå RAA. Det var ei helg med mykje på programmet. Kurssamling etter middag og velkomst på fredagen. Det blei gjennomført totalt 16 kurs denne helga, alt i frå kurs på sjokoladefabrikken i Egersund til slakting. Det blei òg arrangert hurtigturnering i Volleyball. På laurdagskvelden var det konsert med Silo og Saft. På grunn av ulike reglar kunne ein ikkje overnatta i hallen, og ein var difor nødt til å finna ei alternativ løysning. Dette gjorde at ikkje alle som ynskja å vera med på Storkurs fekk plass denne gongen. Takk til lokale arrangørar som stelte i stand eit veldig kjekt storkurs.

Under open himmel, 4H-dagen

4. mai er den offisielle 4H-dagen. Fleire klubbar og nemnder markerte denne lokalt med overnattingstur og delte bilete på Facebook og Instagram.

Opning Snurrevardem 4H-gard

Den 7.mai opna me ein ny 4H-gard i Rogaland, Snurrevarden 4H gard. Dette er andre 4H garden i 4H Rogaland. Det deltok rundt 250 deltakarar på opninga. Det blei laga pinnebrød på bål og smoothie. Ein kunne delta på turbingo, få 4H tatovering, møta og klappa dyr, og ikkje minst ri på ponni og køyra med hest. I tillegg kom

forfattar og humorist Leif Arild Steen og haldt trylleshow på scena, og høgtlesing frå boka "De fryktelige plastollene" - gøy og lærerikt om plast.

Ordførar i Karmøy kommune Jarle Nilsen opna 4H garden, og Andreas Ølvestveit frå sentralstyret i 4H Norge var på besøk og overrekte gaveteknologi frå 4H Norge og 4H Rogaland til Snurrevarden 4H gard. Fjordsol 4H og Vilje 4H var med å haldt aktivitetar.

70-årsjubileum

I 2023 feira 4H Rogaland 70 år. Dette vart markert med 70-årsjublieum for dei eldste medlemmane 17. og 18. november. Me var ein gjeng på 14 stykk som samlast i 18. etasje på Høghuset på Bryne. Her fekk me julebuffet og deltarakrane fekk utdelt kvar sin 4H Rogaland genser. Dagen etter var det padel på Intersport Padel Bryne og pizza på Il Tempo Grande. Jæren sparebank var hovudsponsor for arrangementet.

4H internasjonale utvekslingsprogram

I år deltok Anja Haugland, Alf Slettebø og Anna Laurentse Søyland på 4H utveksling i USA. Anja og Anna tilbrakte 4 veker i Kansas, medan Alf var i Wisconsin. Det har ikkje vore noko IFYE-utveksling i fylket i år.

Instruktøroplæring: organisasjon og friluftsliv i regi av 4H Norge

Instruktøroplæringa har oppstart på hausten og avsluttast om våren. Opplæringsmodellen har tre delar. Første del er ei landsdekkande kurshelg, andre del er praksis på styrevervkurs i eige fylker, mens siste del er igjen ei landsdekkande kurshelg. I 2023 deltok disse medlemmene frå 4H Rogaland:

2022/2023

Live Skretting (Organisasjon)

Madeleine Bjerkås Lunde (Organisasjon)

Kristin Lindal (Organisasjon)

Viktoria Skrudland (Organisasjon)

Benjamin Hegelstad (Friluftshelt)

2023/2024

Marita Lendengen Mæhle (Organisasjon)

Peder Krokedal (Organisasjon)

Liv Kristi Hodne (Organisasjon)

Rogalandsgarden i Kamerun, Sambolabo

Utvalget består av medlemmer fra 4H Rogaland, Rogaland Bygdekvinnelag, Rogaland Bondelag og Landbruksrådet i Rogaland. Veronica Langseth Bjerkås har representert 4H i 2023.

Regionsamlingar

I perioden 24. august – 28. september blei det avholdt regionsamlingar rundt om i fylket. Dette er andre året dette gjennomførast her i Rogaland. Fylkesstyret inviterte alle styra i ei nemnd eller i eit område slik at dei kan få møta kvarandre, dela erfaring og ha det kjekt saman. Det var med ein representant frå fylkesstyret og ein frå kontoret på samlingane. Programmet på samlingane bestod av kompassleik, bålteori, dialog mellom styra og fylkesstyrrepresentanten og mat på bål. Maten som blei funne under kompassleiken var utgangspunktet for felles aktivitet med mat på bål. Alle laga kvar sin pakke med grønsaker og fiskekaker som blei steikt på bålet. Det blei òg servert sjokolademjølk sponsa av Tine. Til saman hadde me 7 regionsamlingar, kor det totalt var 92 medlemmar og klubbrådgjevarar som var med. Disse var fordelt på 20 klubbar.



Fylkesleir

Fylkesleiren blei haldt på Nedstrand 23. – 25. juni, og blei arrangert av Vindafjord og Tysvær 4H nemnd. Det var rundt 150 deltakarar som fant vegen til Nedstrand, i tillegg til rundt 30 vaksenleiarar, arrangørar og representantar frå RAA. Helga var prega av fint ver og mykje glede. Ordføraren i Nedstrand opna leiren på fredag, og på laurdag kunne ein velja mellom ulike aktivitetar. Deltakarane fekk blant anna velja mellom leirbuksemaling, besøk på MOWI, fisking, frisbeegolf, pizzabaking, brann og redning og tur til Himakånå. Etter aktivitetane var det tid til bading og sosialisering. På kvelden blei det konsert med Astroturf frå Bergen. Takk til lokale arrangørar som stelte i stand ein veldig kjekk leir.

4H Nordisk leir i Lom

I år var Nordisk leir på Lom i Oppland. Det var 20 deltakarar og 3 vaksenleiarar frå Rogaland som deltok på leiren. Det var strålande sol første dagen på leiren, men varierande ver resten. Nokre dagar var prega av vind og regn, men stort sett slapp ein regnkledde. Den eine dagen var det Lom-dag, der ein blei kjent med Lom sentrum. På forhand hadde ein meldt seg på om ein ville vera med til klimapark eller gå til Galdhøpiggen, og alle hadde ein spanande dag den dagen. 4H Rogaland stilte med to lag på volleyballturnering. Det var ein flott og minnerik leir med lite toalett og lange matkørar, som vanleg.

Digitale “klubboppfølgingsmøter”

Det blei haldt to digitale møter, eit på våren og eit på haustn for klubbstyre og klubbrdågjevarar.

24.april var det møte om aktivitetar i 4H, som Fylkesleir, Regionsamlingar og Nordisk leir, i tillegg til anna nyttig informasjon frå fyket. Ønsket var å få fleire medlemmar til å delta på arrangement, og informera om behovet for vaksenleiarar. Det var òg gitt anledning til å koma med ynskjer til tema på klubbrådgjevarsamlinga i 2024.

6. november var det møte saman med 4H Møre og Romsdal, og 4H Sogn og Fjordane. Tema var oppgåvene i klubbane til 1.desember, med årsrekneskap og andre rapporteringar. I tillegg dek deltarane høyra om «Det nye 4H-løpet», samt siste del blei møtet delt opp fylkesvis.

Klubbesøk haustfest

I 2023 kom representantar for 4H Rogaland på haustfestbesøk til klubbar som hadde jubileum eller var arrangør:

Dato	Klubb	Representant
06.10	Skogstjerna 4H	Hege Reime
18.10	Sjøsprøyt 4H	Per Ingvald Søyland Bø
20.10	Bjerkerota 4H	Glenn Gravdal
20.10	Bjerkerota 4H	Glenn Gravdal
20.10	Utstein 4H	Sanne Skeie
27.10	Frøy 4H	Glenn Gravdal
28.10	Freidig 4H	Veronica Langseth Bjerkås
28.10	Hauk 4H	Veronica Langseth Bjerkås
29.10	Solstråle 4H	Veronica Langseth Bjerkås

4H butikken

4H Rogaland har alltid med eit utval av 4H-effektar på våre arrangement for vidaresal. Dei fleste er effektar som er produsert av 4H Norge og finnes i deira nettbutikk.

Det er utearbeida fylkesgensarar med kart over alle klubbane i Rogaland. Desse blei selt på styrevervkurs, storkurs og fylkesleir. I tillegg var det ein salskampanje på desse i november.

Fylkesstyreopplæring

Modul 1-4: Fylkesstyret i 4H Rogaland

Modul 4-7: Fysisk helgesamling på landsbasis

Modul 7-9: Fylkesstyresamling for alle fylkesstyra i vest på Flesland i september

Årsmøte

20 av 35 klubbar deltok på årsmøtet. Årsmøtet var difor vedtaksdyktig. Det var 39 delegater til stede, samt 5 representanter fra fylkesstyret, til sammen 44 delegater hadde stemmerett.

I tillegg møtte:

Observatører uten stemmerett

Hege Reime - organisasjonsrådgiver i 4H Rogaland

May Lis Jakobsen – organisasjonsrådgiver i 4H Rogaland

Anne-Berit Brovold - organisasjonsrådgiver i 4H Rogaland

Synnøve Jørgensen - regionkoordinator 4H Norge

Valgkomiteen v/ Brigt Slettebø

Gjester:

Marit Epletveit, Rogaland Bondelag

Birger Kvia Hobberstad, Rogaland Bygdeungdomslag

Prosjekt

Lærerike Opplevingar

Lærerike Opplevingar er finansiert av Gjensdigestiftelsen. Prosjektet blei avslutta 31.12.2023. Målet med prosjektet var å ha 35 lærerike aktivitetar i Rogaland. I Rogaland er det Vitenserteret, Vitengarden, Snurrevarden 4H-gard, Haven E-sport og opplegget med dei fryktelege plastollene som er aktivitetane klubbane har brukt. Halvparten av klubbane i 4H Rogaland har vore på ei gratis lærerik oppleving i løpet av året. Ein annan viktig del av prosjektet var opne aktivitetar på nye stader eller klubbar som trengte ein litan boost. Det har blitt gjennomført 5 slike opne aktivitetar, kor den eine var opninga av Snurrevarden 4H-gard. Alle klubbane har òg vore med på ein aktivitet sumaren 2022 kor dei fekk frøposar som dei kunne så for å skape flotte områder for ville pollinerande insekt. Og det har gjennom prosjektet blitt utarbeida den «lærerike kofferten» en koffert med utstyr som kan være nyttig på en stand eller et arrangement. Denne er til bruk for fylkeslaget, men også til utlån.

Informasjonsarbeid

4H Rogaland sine informasjonskanalar i 2023 har vore heimesida 4h.no/rogaland, nyheitsbrev og sosiale mediar.

Nyheitsbrev

Frå januar til april sendte 4H fylka i vest eit felles nyheitsbrev til klubbane. Frå mai blei nyheitsbrevet «Klubbservice» sendt til klubbstyra i klubbane, klubbrådgjevar A og B, fylkesstyret, 4H-garder og tilsette i fylket. Dette vert sendt ut 2. tysdag i månaden.

4h.no/rogaland

Heimesidene er «navet» for informasjonsarbeidet vårt.

Sosiale mediar

4H Rogaland brukar Facebook og Instagram.

Facebook likes

Des. 2019	Des. 2020	Des. 2021	Des. 2022	Des. 2023
1565	1615	1638	1662	1727

Instagram følgjarar

Des. 2019	Des. 2020	Des. 2021	Des. 2022	Des. 2023
585	617	631	670	734

Medlemmar, klubbar og 4H-garder

Plaketten

54 medlemmar fekk plaketten i 2023 i frå 25 ulike 4H klubbar.

Medlemstall

Medlemstype	31.12.19	31.12.20	31.12.21*	31.12.22*	31.12.23*
Hovud	879	868	910	925	918
Søsken	372	364	295	350	322
Alumn	34	45	35	34	45
Kløvermedlem	24	42	30	45	48
Støttemedlem	36	23	23	24	20
Arrangementsmedl.	0	0	0	2	2
Totalt	1345	1342	1293	1380	1355

*talla er ikkje kontrollert av ein revisor.

4H-garder

I vårt fylke har me to godkjente 4H-garder:

Kvia 4H-gard, Vitengarden på Nærbø.

Snurrevarden 4H-gard, Karmøy. Godkjent 4H-gard i 2023.

Klubber og nemnder

I vårt fylke har me 35 registrerte 4H-klubbar inkludert alumnklubben.

Nedlagte klubbar i 2023:

Solglimit 4H er lagt i dvale – medlemmar og klubbrådgjevarar er overført til Sjøglimit 4H.

Nedlagte nemndar i 2023:

Suldal 4H-nemnd

Ei 4H-nemnd er sammensatt av flere klubbar i samme kommune eller klubber i nabokommunene. De samarbeider om ulike fellesaktiviteter som for eksempel turer, karneval, aspirantleir, volleyballturnering og felles transport til fylkesarrangement.

Indre Sør	Skogstjerna 4H, Ualand Bjerkerota 4H, Bjerkreim Firklooveren 4H, Gjesdal
Vindafjord, Tysvær og Karmøy	Bjoa 4H, Ølen Skjold 4H, Skjold Freidig 4H, Vats Solstråle 4H, Sandeid Falken 4H, Vikedal Hauk 4H, Imsland Vilje 4H, Tysværsvåg Fjordsol 4H, Nedstrand
Hå	Sjøglimit 4H, Brusand Solglimit 4H, Vigrestad Svala 4H, Varhaug Vigre 4H, Vigre
Suldal (samarbeid utan formelt styre)	Bygdevon 4H, Sand Snøklokka 4H, Suldalsosen Fjellbjørka 4H, Nesflaten Frisko 4H, Erfjord
Klepp / Time	Sjøsprøyt 4H, Orre Fram 4H, Horpestad Soldogg 4H, Bore Frøy 4H, Kverneland Vibå 4H, Time
Sandnes / Sola	Skjalg 4H, Sola Viking 4H, Malmheim Fjellbygdå 4H, Sviland
Hjelmeland / Strand (samarbeid utan formelt styre)	Hjelmen 4H, Hjelmeland Jerv 4H, Årdal Bygda 4H, Bjørheimsbygd
Stavanger / Randaberg (samarbeid utan formelt styre)	Utstein 4H, Mosterøy Terna 4H, Sjernarøy Randaberg 4H, Randaberg Haugen 4H, Storhaug

Samarbeidspartnere

I løpet av året som har gått har 4H Rogaland i tillegg til 4H-klubber i og utanfor fylket, også samarbeida med fleire andre aktørar.

Kvia 4H gard, Vitengarden: 4H Rogaland har i mange år hatt et godt samarbeid med 4H-gården i fylket.

Snurrevarden 4H gard, Karmøy: vart 4H-gard 7.mai 2023 med offisiell opning av ordføraren i Karmøy, Jarle Nilsen. Andreas Ølvestveit, nestleiar i sentralstyret tok òg turen til opninga.

Bygdekvinnelaget og Rogaland Bondelag: Fellesprosjektet *Rogalandsgarden i Kamerun.*

Felleskjøpet Rogaland Agder: Lokal sponsoravtale

Stangeland Maskin: Lokal sponsoravtale

Studieforbundet natur og miljø: Støtte til kurs

Norsk Landbruks-samvirke: 4H Norge får fleire millionar kroner av Norsk Landbruks-samvirke til drift av organisasjonen. Halvparten av desse midlane går til drift av fylka.

Nortura: Nortura sponsar ofte arrangementa våre med produkt i tillegg til pengestøtta gjennom Norsk landbruks-samvirke.

TINE: Tine sponsar ofte arrangementa våre med produkt i tillegg til pengestøtta gjennom Norsk landbruks-samvirke.

Landkreditt Bank: Nasjonal avtale som blant anna sørger for gratis volleyballar og pengestøtte til turnering under fylkesleiren.

Gartnerhallen: Nasjonal sponsoravtale om refusjon av utlegg til frukt og grønt på arrangementa våre.

Suldalsbussen: Ingen fast avtale, men ein svært god samarbeidspart som gjer oss gode prisar og service. Blei brukt til fellestransport til Nordisk Leir i Lom.

Representasjon

Møter og arrangement me har delteke på, men som 4H Rogaland ikkje arrangerer

Dato	Møte/arrangement	Navn
13.03	Årsmøte Studieforbundet Natur og Miljø	May Lis Jakobsen, Anne-Berit Ånestad Brovold
20.03	Landbrukskonferansen i Rogaland	Anne-Berit Ånestad Brovold
14. – 16.04	Fylkesstyreopplæring nasjonalt	Sanne Skretting Skeie, Benjamin Hegelstad
16.04	Landsstyremøte	Sanne Skretting Skeie
22.04	Stand - open dag frivillighetshuset på Emmaus	Benjamin Hegelstad, Synnøve Jørgensen
23.04	Opning Vistnestunet Museumsgard med Randaberg 4H	Per Ingvald Søyland Bø

07.05	Opning Snurrevarden 4H-gard	Anne-Berit Ånestad Brovold
11. - 12.08	Vigrestad-dagane med Solglint 4H	Sanne Skretting Skeie, Veronica Bjerkås
09.09 - 10.09	Fylkesstyreopplæringen i Vest	Sanne Skretting Skeie, Benjamin Hegelstad
27.09	Opning av frivillighetshuset på Emmaus	Synnøve Jørgensen, Hege Reime
	Lederskolen, Næringsforeningen	Anne-Berit Ånestad Brovold
	Teffpunkt Jæren, Næringsforeningen	Anne-Berit Ånestad Brovold
3.11	Folk, Næringsforeningen, konferansedag med tema: Verdiskapning, klutrubygging, kompetansedeling og ledelse	Synnøve Jørgensen, Anne-Berit Ånestad Brovold
15.12	Juleøte Statsforvalteren	May Lis Jakobsen, Synnøve Jørgensen, Anne-Berit Ånestad Brovold
15.12	Julemøte Næringsforeningen i Stavanger	Anne-Berit Ånestad Brovold

Økonomi

Årsregnskap med noter og forklaring vert lagt ved årsmeldinga.